



**СЛУЖБА
ВСЕМ СВЯТЫМ,
В ЗЕМЛИ ТУЛЬСКОЙ
ПРОСНЯВШИМ**

**ТУЛА
2002**

СЛУЖБА СОБОРУ ТУЛЬСКИХ СВЯТЫХ

память им творим 22 сентября ст. ст.

НА МАЛОЙ ВЕЧЕРНИ

*На Господи воззвах стихиры на 4, самогласны,
глас 4:*

*Да веселится светло и играет богоспасаемый
град Белев, священную память преподобнаго отца
нашего Макария и с ним Собора Тульских Святых
празднующе, присно молящийся о нас ко Господу.*

*Вошедшее днесь, христонменныя людие,
песньми похвальными венчаем великаго во смирении
своем Макария, блаженству соименнаго, и вся
святая земли Тульская, осеняющих нас покровом
молитв своих.*

*Христова тя раба, Преподобне, ведуще, и
подвижника благочестия велика, к тебе возводим
душевная и телесная очеса наша, твоим
предстательством ко Господу, чающе спасения
улучити.*

Земный ангел и небесный человек явился еси,

всєблаженне Макарие, и от Христа прим чюдєс дарованія, дүшевная и телєсная наша недүги силою твоєю до конца потреби.

Глава, глас 6:

Веселится и радуется Церковь Российская, ликовствует земля Түльская, Владыце своему Христу, яко дар благоприятен, Собор Святых в ней просиявших принося, нүже молитвами сохрани и спаси нас Господи.

И ныне, Богородичен, глас тойже:

Тебе молимся, яко Божией Матери, Благословенная, моли о спасении дүш наших.

На стиховне стихиры, глас 2:

Дом и жилище Дүха Прєсвятаго, святини вси в земли Түльстей просиявши, были есте, темже и нас дом Того соделайте, святую вашу память почитающих.

Стих: Чєстна пред Господем смерть преподобных Ёго.

Пүчинү жития постнически преплыв, в тихое пристанище небєснаго покоя вшел еси, блаженне Макарие, егоже достигнүти и нам помолися.

Стих: Блажен муж бойся Господа, в заповєдях Ёго восхощет зело.

Бгда прєставился еси, отче Макарие, прияша ты лица ангельстин, сretoша и правєдных соборн,

с ними же ликовствуя во славе небесной и боговедения насыщаемь, помолися за ны ко Господу Превлагому.

Глава и ныне, Богородичен, глас тойже:

Предстательница и покров ты еси, Пречистая, избави ны от бед лютых и обстояний, и души наша спаси Божественными Твоими молитвами.

Тропарь, глас 2-й:

Наста день светлаго торжества, / земля наша радуется. / И с нею Церковь Христова веселится, / в прославлении Собора Түльских Святых, Богү угодивших, / к ним же мы притекающе, взываем сице: / О преславнии сродницы наши, / молитө Христа Бога, / даровати мирү мир, / Отечеству благоденствие, / и душам нашим велию милость.

Глава, Тропарь преподобному Макарию, глас 8-й:

Яко светильник пресветлый явился еси в Российстей земли, / преподобне отче наш Макарие, / в пүстыню близ Белева вселился еси, / и в ней чада послушания, плоды смирения возрастил еси, / тем быв Троицы вселение, сияя чүдөсы, / моли Христа Бога спастися душам нашим.

И ныне, Богородичен, глас тойже:

Иже нас ради рождөйся от Дөвы и распятие претерпөв, Благий, испровергий смертию смерть и воскресение явлөй яко Бог, не презри, яже создал еси рүкою Твоею: Яви человеколюбие Твое, Милостиве,

*прими рождшю Тя Богородицу, молящюся за ны,
и спаси, Спасе наш, люди отчаянные.*

НА ВЕЛИЦЕЙ ВЕЧЕРНИ

На Господи воззвах: поставим стихов 8 и поем стихиры глас 8:

*Днесь светло красуется славная Тульская земля,
/ насельницы ея радуются, / прославляя Собор
Святых сродник своих: / Макария блаженного / и с
ним лик преподобных, / иерархи и князи благоверныя,
/ мученики и священномученики, / Христа ради
юродивые и жен сословие. / Именуемые вкупе и
неименуемые, / их же Бог чудеса прослави, / и ныне
прославльшему светлое их торжество.*

*Глас евангельский услышавше / и апостольскою
ревностию распалившеся, / богоблаженнии и
равноапостольнии Кукшо и Никоне, / от Киево-
Печерския обители / к просвещению и научению
вятичей неверных устремитесь / от них же и
пострадаете, / Землю нашу кровию вашею освяти-
ли есте, / молитесь Христа Бога спастися душам
нашим.*

*Вы есте слава Российския земли, / благоверный
княже Дмитрие, / и могучая рать мучеников-
воинов, / на поле Куликове / за веру христианскую и
Русь Святую души своя положивши, / небесными
венцами украсились есте. / Молитесь ко Господу /
мир миру даровати / и душам нашим велию милость.*

Г л а с 6-й:

Благословением аввы *Сергия* / в землю
Тулскую пришедши, / преподобномученицы
Алекса́ндре и *Андре́е*, / любовью велиею / и
 пролитием крове на поле *Куликовом* подвиг
 совершивши, / делом поучающе: / *Яко* большия
 любви никто же имать, / да аще кто ду́шу за други
 своя положит, / вы же святини воины *Христовы*, /
Престо́лу *Влады́чню* на небеси предстояще,
 молитесь о нас, / любовью память вашу почи-
 тающих.

Богомудрых святителей *Христовых*: /
Фео́ктиста и *Пантелеи́мона Черниговских*, / *Лу́ку*,
Симона, *Кири́лла*, / *Максима*, *Иоанна*, *Дионисия* и
Филиппа Тару́сских, / *Геронтия Московскаго*,
Пимена Новгородскаго, / *Гераси́она Подонскаго* и
Димитрия Ту́льскаго и иже с ними, / песенными
 добротами похвалим. / *Христовой* церкви светлое
 украшение, / священства венцы, благочестия
 наставницы, / сокровища дарований ду́ховных, /
 реки многих словес, / верных ду́ши напаяющие / и
 молящиеся Господеви / о спасении ду́ш наших.

Вси помолимся *Христу*, / творяще память днесь
 преподобнаго отца нашего *Макария* / и с ним вся
 преподобныя. / Подвигов иноческих и воздержания
 зеркало, / любви же и смирения богатство: / Их же
 ради прославлени есте от Господа. / *Егоже* молитве
 спасение ду́шам нашим даровати.

Земли Ту́льския прозябение, преподобнии и

богоноснии отцы наши: / Поликарпе, Тимофее, Нафанаиле, Афанасие, Парфение, Макарие, Арсение, Симеоне, Иакове, и Варнаво - обителей православных и монашествующих украшение, молитесь ко Господу о спасении душ наших.

Блаженнии Христа ради юродивии и праведнии, в земли Тудастей проснявши, / память ваша велиим торжеством явися нам / и о том, хвалящися, возглаголем: / Не забудьте Отечества вашего, / но всех нас поминайте, молящися о нас ко Господу.

Глава, глас 2-й:

Светила земли нашея: / святителие Христовы, / преподобнии и праведнии, / Христа ради юродивые и жен сословие, / благочестно сошедшися согласно ублажим, вопиюще к ним: / о, Соборе святой, божественнии сродницы наши / молитесь Христа Бога даровати нам велию милость.

И ныне, Богородичен, догматик, глас тойже:

Прейде сень законная, благодати пришедши якоже бо купина не сгараше опаляема, тако Дева родила еси, и Дева пребыла еси. Вместо столпа огненного, праведное возсия солнце: вместо Моисеа Христос, спасение душ наших

Вход, Прокимен дне.

Чтения три: Пророчества Исанина чтение (глава 49, 8-15):

Также глаголет Господь: Во время приятно послушах тебе и в день спасения помогу ти, и сотворюх тя и дах тя в завет вечный языков, еже

устрои́ти зе́млю и насле́дити насле́дия пу́стыни, глаголю́ща сущи́м во у́зах: изы́дите, и сущи́м во тьме́: **Откры́йтесь!** На все́х пу́тєх па́стися бу́дут, и на все́х сте́зях па́жить их: Не в́залчу́т, ни́же вжа́ждут, ни́же пора́зит их зно́й, ни́же со́лнце, но ми́луйяй их у́тешит их и скво́зе исто́чники водо́ных проведёт их. И по́ложу́ вся́ку гору́ в пу́ть и вся́ку сте́зю в па́ству им. Се́, си́и издале́ча прии́дут, си́и от се́вера и от мо́ря, ни́и же от зе́мли Пе́рсска́я. Да весе́лятся не́беса, и ра́дуется зе́мля, да отры́гнут го́ры весе́лие и хо́лми пра́вду, я́ко поми́лова Бо́г лю́ди сво́я, и сми́ренны́я лю́дей сво́их у́тешит. Рече́ же Си́он: О́стави мя Го́споди, и Бо́г за́бы мя. Ё́да забу́дет же́на отро́ча своё, или́ не поми́луёт исча́дия чре́ва своёго? А́ще же и забу́дет си́х же́на, но **А́з** не забу́ду тебе́, — глаго́лет Го́споди.

Премудрости Соломоновы чтение (глава 3, 1-9)

Праведных ду́ши в ру́це Бо́жией, и не прикосне́тся их му́ка. Не́щевани бы́ша во очесе́х безумных у́мрети. И вмени́ся озло́бление исхо́д их. И е́же от нас шестви́не -сокру́шение, они́ же сү́ть в ми́ре. Ибо́ пред ли́цем челове́ческим а́ще и му́ку прии́мут, упова́ние их безсмер́тия исполне́но: И вма́ле на́казани бывше́, вели́кими благоде́тельствования́ бу́дут, я́ко Бо́г иску́си я и обре́те их досто́йны Се́бе. Я́ко злато в горни́ле. Иску́си их, и, я́ко всепло́дие жертвенно́е, при́ят. И во вре́мя посеще́ния их возсия́ют, и я́ко искры по сте́блию потеку́т. Су́дят язы́ком и облада́ют лю́дьми, и воцари́тся в них Го́споди вове́ки. Наде́ящи́ся На́нь у́разуме́ют исти́ну, и ве́рнии в

любви пребудут Ему. Яко благодать и милость в преподобных Его и посещение во избранных Его.

Премудрости Иисуса, сына Сирахова, чтение (глава 44, 1-14)

Восхвалим убо мужи славны и отцы наша в бытии. Многу славу созда Господь в них величием Своим от век. Господствующе во царствних своих и мужие, именити силою, советующе разумом своим, провещаваши во пророчествах, старейшины людей в советех и в разуме писания людей: премудрая словеса в наказании их, нищуще гласа мужикийска и поведаяще повести во писаниих: мужи богати, обрдовани крепостию, мирно живуще в жилищих своих. вси сии в родех прославлени быша, и во днех их похвала. Буть от них, иже оставиша имя, еже поведати хвалы: и суть, ихже несть памяти, и погибоша яко не сущии, и быша яко не бывше, и чада их по них. Но сии мужие милостивии, ихже правды не забвены быша: с семенем их пребудет доброе наследие, исчадия их в заветах: остана семя их в чада их по них: до века пребудет семя их, и слава их не потребится: Телеса их в мире погребена быша, а имена их живут в роды. Премудрость их поведят людие, и похвалу их исповесть Церковь.

Н а л и т и и.

*Стихира, глас 2-й. напев Кievo-Печерской
Лавры, подобен: Доме Евфрафов*

*Земле Русская, граде святой, украшай свой дом,
в немже божественный велий сонм святых прослави.
Церковь Русская, красуйся и ликуй, се бо чада*

*Твоя Престолу Владычню во славе предстоят
радующеся.*

*Говоре Святых русских, полче Божественный,
молитесь ко Господу о земном Отечестве вашем и о
почитающих вас любовью.*

*Новый дом Евфрафов, уделе избранный, Русь
Святая! Храни веру православную, в ней же тебе
утверждение!*

Глава, и ныне, Богородичен, глас тойже:

*Да радуются радостию божественною
насельницы Түльския земли, зряще теплую
Заступницу, дивную победу дарующую на
противныя и да поют божественными песньми.*

НА СТИХОВНѢ СТИХИРЫ:

глас 2-й:

*Днесь наста солнца светлейший праздник
Түльских Святых, / верныя к веселию созывает / и
лучами радости всех просвещает, / в них бо явился
слава Христова, / слава Церкви православныя, /
дивными сияющи чудеса. / Тем же, вернии,
любвию вопием: / Молитесь о нас, святини вси, / в
земле нашей просиявши.*

Стих: Воззваша праведнии / и Господь услыша их.

*Пророчески вопияше Давид во псалмех:
прондохом сквозь огонь и воду, и извел ны еси в покой;*

вы же священномученицы Христовы - ИларIONE, Онисиме, Никито, Игнатие и Петре, сами дела слово исполняюще, прондосте сквозе огонь и воду мучений, и внидосте в Царство Небесное. Стратотерпцы блаженнии, молитв Христа Бога грехов оставление даровати празднующим любовию святую память вашу.

*Стих: Блаженни вси боящиеся Господа, /
ходящии в путех Его*

Приидите возрадуемся Господеви, память святых новомучениц Августы, Марии, Агриппины, Анфисы и Макарии празднующе! Приидите воспоем верно, восхваляюще страдальцев Христовых: Леств безбожных отринувше, Христа безбоязненно пред неверными исповедающе. Темже, о многострадальнии, не престайте молиться о душах наших.

Глава, глас 8:

В памяти святых твоих, Господи, / вси вернии людие Российстии празднуют, / небеса радуются / и земли нашея концы веселятся, / тех молитвами / даруй душам нашим велию милость.

*И ныне, Богородичен, глас тойже:
Подобен: «О! Преславного чудесе»*

О преславного чудесе! Небесе и земли Царица от святых сродников наших умоляемая. До ныне землю русскую покрывает и Лица Своего изображениями милостивно, обогащает, о, Владычице Державная! Не престани и на будущее

*время во утверждение на Руси православия милости
и чюдеса изливати до века. Аминь.*

*На благославлении хлебов тропарь святым,
преподобному, Богородице Дево:*

ТРОПАРЬ СОБОРУ ТУЛЬСКИХ СВЯТЫХ, глас 5-й:

*Радуйся, земле Тульская, / веселитесь и
торжествуйте, людие Божии, / прославляя святых
своих. / Подвиги веры и благочестия Богу
угодивших: / В них же сияют, яко звезды небесныя,
/ великий князь Димитрий и могучая рать его
мучеников-воинов / на поле Куликовом / за веру
православную и Русь Святую души своя по-
ложивших. / О, преславнии святини сродницы наша!
/ Дерзновение ко Господу обретшие, / Христа Бога
нашего молитесь: даровати миру мир, / Отечеству
благоденствие / и душам нашим велию милость.*

Преподобному, глас 8-й:

*Яко светильник пресветлый явился еси в
Российстей земли, / преподобне отче наш Макарие,
/ в пустыню близ Белева вселился еси, / и в ней
чада послушания плоды, смирения возрастил еси, /
тем быв Троицы вселение, сияя чюдеса, / моли
Христа Бога спастися душам нашим.*

*Богородице Дево, радуйся, Благодатная Марие,
Господь с тобою: Благословена ты в женах, и
благословен плод чрева Твоего, яко Спаса родила еси
душ наших.*

НА УТРЕНИ

На Бог Господь: тропарь Соборѹ святыѹ, Слава, - преподобномѹ, и ныне, - Богородичен: *Иже нас ради Рождейся от Девы и распятие претерпев, Благий, испровергий смертию смерть, и воскресение явлей, яко Бог, не презри, яже создал еси рукою Твоею; яви человеколюбие Твое, Милостиве, прими рождшюю Тя Богородицу, молящуюся за ны, и спаси, Спасе наш, люди отчаянныя.*

По 1-м стихословии, седален:

Яко солнце, яко блистающая Денница, память честная в земли Тѹльстей просиявшихъ святыѹ возсия, всех нас освещающи и согревающи сердца к подражанию жития нѹ божественномѹ и к ревности о верѹ.

Слава, и ныне:

По Бозѹ на Тя ѹповаем, Пресвятая Дѹво Богородице, и молимся Тебѹ, Твоими мольбами к Сыну Твоемѹ и Богу нашемѹ ѹтвержденны до конца ны сохрани.

По 2-м стихословии, седален:

Временныхъ и дольнихъ возгнушався, высокая приснопребывающая возлюбил еси, Преподобне отче наш Макарие, божественнымъ желаниемъ распалая Боголюбивѹю Твою дѹшѹ, и, сотворивъ Всевышняго волю, восприял еси блага небесная.

Слава, и ныне:

Твою помощь подаждь намъ рабомъ Твоимъ, Дѹво Владычице, вразѹми и рѹководствѹй насъ на пѹти спасения, избавляя ны отъ бѹдъ и скорбей, яко рождашая всехъ избавление.

ПО ПОЛИЕЛЄЄ ВЄЛИЧАНІЄ:

I

*Величаєм вас, / святни вси, в земли Тўльстей
проснявши, / и чтим святую память вашу, / вы бо
молите о нас Христа Бога нашего.*

II

*И преподобному Макарию: Ублажаем тя, преподобне
отче наш Макарие:*

III

*Величаєм вас, / святой благоверный княже
Димитрие и мученицы-воини, / и почитаем честную
память вашу, / вы бо на поле Куликове / за веру и
Отечество души своя положивше, / подвигом любви
землю Российскую прославили есте.*

Седален:

*Земля веселится и небо радуется в прославлении
Совора Тўльских Святых, их же память совершающе
молим: спаси, Христе, души наша, яко милосерд*

Глава, и ныне:

*Пречистая Дево, не презри верою к Тебе,
Милосердней, прибегающих, и теплаго Твоего
заступления просящих, молящи Сына Твоего
Христа Бога нашего, спастися душам нашим.*

*Степенна 4-го гласа. Прокимен: Честна пред
Господом смерть преподобных Его. Стих: Что
воздам Господеву о всех, яже воздаде ми?*

Евангеліе от Матфея, зачало 48:

По 50-м псалме стихіра, глас 6:

*Приидите православных собори, / воспоим
святые в земле Тѹльстей просиявшия, / ѹчением к
богоразѹмию нас наставляшия, / источники чѹдес
предивнии, / Церкви свѣтильницы пресветли, /
страны Россійскія воинны добли и стражи
неѹсыпныє, / ти бо избавляют нас от злых иску-
шений и бѣд / и молятся о дѹшах наших.*

КАНОН

*Канон богородице параклисис со ирмосом на 6, и
святым на 8, глас 8*

егоже краегласіе:

БЛАГОСЛОВЕНІЕМ СЯТЕЙШЕГО

ПАТРИАРХА ПИМЕНА.

Канон Пресвятой Богородице, глас 8

Песнь 1:

*Ирмос: Водѹ прошѣд, яко сѹшѹ, и єгипетскаго зла
избежав, израильтянин вопияше:
Избавителю и Богу нашему поим.*

Пресвятая Богородице, спаси нас.

*Многими содержим напастьми, к Тебѣ прибегаю
спасения искый. О, Мати Глова и Дево, от тяжких и
лютых мя спаси.*

Пресвятая Богородице, спаси нас.

Страстей мя смущают прилози, многого уныния исполнити мою душу: умири. Отроковице, тишиною Сына и Бога Твоего Всенепорочная.

Глава: Спаса рождшую Тя и Бога, молю Дево, избавитися ми лютых: к Тебе бо ныне прибегая, простираю и душу и помышление.

И ныне: Недугующа телом и душею, посещения Божественного, и промысления от Тебе сподоби, едина Богомати, яко благая, Благаго же Родительница.

КАНОН ВСЕМ ТУЛЬСКИМ СВЯТЫМ

Вси святини в земли Тульстей просиявшии, молитѣ Бога о нас.

Божественными песньми воспойм вся святыя, в земли нашей просиявшия: святителие, мученики, преподобнии и праведники, Христа ради юродивые и жен сословие, подвигами своими землю Тульскую освятившии и нас научившии песнь победную приноситьи Богу, яко прославися.

Вси святини в земли Тульстей просиявшии, молитѣ Бога о нас.

Глас евангельский услышавше и апостольскою ревностію распалившеся, святини страсотерпцы Кукшо и Никоне, к научению неверных вятичей устремитесь, от нихже и кончину прияли есте, радуяся. Телом убо в нетлении в Киево-Печерстей Лавре почиваете, духом же Престолу Божию предстонтѣ, молитесь о нас, память вашу почитающих.

Вси святини в землі Тұльстей проснявши, молитє Бога о нас.

Любовь свою являя Господь, Царь Славы, прославляющия єго прославити обєтова. На тебе же преподобне отче наш Макарие, обоя устроишася. Якоже ты прославил єси Господа в житии твоєм, сице и ты прослави тобою прославленный Господь.

Вси святини в землі Тұльстей проснявши, молитє Бога о нас.

Ангельски на землі поживши, любве ради Христовы дұши своя за веру христіанскую и Русь Святую на поле Кұликовом положивши, благоверный княже Димитрие и вся могучая рать мучеников-воинов, на небеси предстонтє Царю Славы, воспевая єму побєдную пєснь, яко прославися.

Богородичєн:

О всєнєпорочная Дєво! Кое Ти благодарєниє принесем, яко светозарным явлєниєм Прєчистыя Твоея иконы и Превєчнаго Младєнца, всєх от нєвєдєния к свету богоразумия возвєла єси.

КАТАВАСІЯ: Отверзү уста моя, и наполнятся Дүха, и слово отрыгнү Царице Матєри, и явлюся светло торєжєствүя, и воспою радүясь Тоя чүдєса.

Пєснь 3.

Ирмос: Небєснаго крүга Вєрхотворчє Господи, и Цєрквє Зиждитєлю, Ты мєнє үтвєрди в любви Твоей, желаний краю, вєрных үтвєрждєниє, єдинє Чєловєколюбчє.

Пресвятая Богородице, спаси нас.

*Предстательство и покров жизни моя полагаю
Тя, Богородительнице Дево: Ты мя окорми ко
пристанищу Твоему, благих виновна, верных
утверждение, едина Всепетая.*

Пресвятая Богородице, спаси нас.

*Молю, Дево, душевное смущение и печали моя
бурю разорити: Ты бо, Богоневестная, начальника
тишины Христа родила еси, едина Пречистая.*

*Слава: Благодетеля рождши добрых виновного,
благодения богатство всем источи: вся бо можеша,
яко сильного в крепости Христа рождши,
Богоблаженная.*

*И ныне: Лютыми недуги и болезненными
страстьми истязаему, Дево, Ты ми помози: ис-
целений бо неоскудное Тя знаю сокровище,
Пренепорочная, неиждиваемое.*

*Вси святини в земли Тудстей просиявши,
молите Бога о нас.*

*Светлую память совершающе святых, в земле
Тудстей просиявших, придите, вернии, любовию
их ублажим, подражающе вере их и молящеся, да
утвердятся и наша сердца во еже благоугождати
Господеву и творити волю Его.*

*Вси святини в земли Тудстей просиявши,
молите Бога о нас.*

*Любве ради Христовы великий ангельский образ
приял еси преподобне отче Макарие, крайнего
смирения не оставль и в житии твоём, трудолюбно*

подвизаяся во обители Жавынстей, идеже множество монашествующих собрал еси, утверждая их сердца творити волю Господню.

Вси святини в земли Тұльстей просиявши, молитѣ Бога о нас.

От поганых татар и нашествия Мамая землю нашу свободивши, благоверный княже Димитрие с мученики-воины, на земли волю Господню сотвориша, на небеси блага небесная наследовали есте.

Богородичен:

Вышняго освященное Божественное селение, радуйся, тобою бо дадеся радость, Богородице, зовущим: благословенна Ты в женах еси, Всенепорочная Владычице.

КАТАВАСИЯ: Твоя песнословцы, Богородице, живой и независтный источник, лик себе совокупляшая духовно утверди, в Божественней Твоей славе венцев славы сподоби.

Кондак преподобнаго, глас 8:

Житие чистое, терпение, кротость и любовь нелицемерну, / воздержание совершенное, умиление божественное, / веру же и надежду истинную и милосердие стяжав, / равноангельно, Макарие, на земли пожил еси, / и на небеси Богови с лики бесплотных предстоиши. / С ними же, святѣ, моли, мир Россійстѣя Церкви даровати / и душам нашим велию милость.

Глава, седален святих:

Болнце правды Христос, якоже лучи посла преподобнии и Кукшо и Никоне, просвещающи землю вятичей, угодницы Божии, от рода нашего просиявши, темже помраченную душу мою божественными вашими молитвами осияйте, богоблаженнии.

И ныне, Богородице:

Богородице Дево, упование христианом, пробави и нам древняя милости Твоя, бывшая отцем нашим, покрый и соблюди нас от всякаго зла.

Песнь 4:

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Пресвятая Богородице, спаси нас.

Милосердия Твоего бездну призывающую подаждь ми, Яже Благосердаго рождающая и Спаса всех поющих Тя.

Пресвятая Богородице, спаси нас.

Наслаждающееся, Пречистая, Твоих дарований, благодарственное воспевает пение, ведуще Тя Богоматерь.

Глава: На одре болезни моя и немощи низлежащу ми, яко Боголюбива, помози. Богородице, едина Приснодево.

И ныне: Надежду и утверждение, и спасения стену недвижиму имуще Тя, Всепетая, неудобства всякаго избавляемся.

Вси святини в землі Тұльстей проснявши, молитє Бога о нас.

Память днесь святых сродник наших совершающе, достойно сия да ублажим: тии бо вонистину чрез вся искушения прондоша и божественнаго сподобившася сыноположения, на небесех убо веселятся и радуются, воспевая: слава силе Твоей, Господи.

Вси святини в землі Тұльстей проснявши, молитє Бога о нас.

На твердем веры камени утвержден сый, в безмолвии подвижаяся, преподобне Макарие, Господа своего волю сотворив, сугуб талант приобрел еси, сего ради благий он слышиши глас: добрый рабе и верный, вниди в радость Господа твоего.

Вси святини в землі Тұльстей проснявши, молитє Бога о нас.

Ильину ревность возимели: святой благоверный княже Дмитрии и мученики-воины, на поле Куликовом студа исполниша беззаконных иноплемеников, веру христианскую и Русь Святую покорити тщавшихся. Ныне на небеси воспевают: слава силе твоей, Господи.

Вси святини в землі Тұльстей проснявши, молитє Бога о нас.

Едемскаго рая дерева доброплодная и красная явишася святини благовернии князи: Николо святоша, Игорь и Михаил с боярином Феодором -

славнии мученицы, и Иоанне, Престолу Владычню предстояще. Молитесь о нас, вопиющих: слава силе Твоей, Господи.

Богородичен:

Милостивая и скорая человеком Помощница, вонми молению раб Твоих и даруй нам помощь.

КАТАВАСИЯ: Седяй в славе, на престоле Божества, во облаце легце, прииде Иисус Пребожественный, нетленною дланию, и спасе зовущия: слава, Христе, силе Твоей.

Песнь 5

Ирмос: Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Пресвятая Богородице, спаси нас.

Исполни, Чистая, веселия сердце мое. Твою нетленную даючи радость, веселия рождающая виновного.

Пресвятая Богородице, спаси нас.

Избави нас от бед, Богородице Чистая, вечное рождши избавление, и мир, всяк ум преимуций.

Глава: Разреши мглу прегрешений моих, Богоневесто, просвещением Твоея светлости, Свет рождающая Божественный и преевечный.

И ныне: Исцели, Чистая, души моя неможение, посещения Твоего сподобльшая, и здравие молитвами Твоими подаждь ми.

*Вси святини в земли Тұльстей просиявшии,
молите Бога о нас.*

*Гошедшеся днесь, братие, восхвалим святых
рода нашего: тии бо дерзновение имуще присно Богу
молятся, да и мы во свете повелений Его ходити
начнем.*

*Вси святини в земли Тұльстей просиявшии,
молите Бога о нас.*

*Временных и дольних возгнушався, высокая
приснопробывающая возлюбил еси, божественным
желанием распалая чистую твою душу, Пресвятаго
Утешителя Духа в сердце твоём носил еси и был
еси причастник света невечерняго, преподобне отче
наш Макарие, воздвигни и нас от сна греховнаго и к
свету присносущному приведи.*

*Вси святини в земли Тұльстей просиявшии,
молите Бога о нас.*

*Якоже сродницы твои Борис и Глеб явишася
тебе, благоверне княже Дмитрие, на поле
Куликовом, в помощь предстательствующи, Русь
Святую защищая, тако и ты с воинством твоим
буди нам помощник и молитвенник, да озаримся и
мы благодатию Христовою и во свете повелений Его
ходить начнем.*

*Вси святини в земли Тұльстей просиявшии,
молите Бога о нас.*

*Терпением и молитвою во обителех святых горы
Афона, Киева, Венева, Сарова, Валаама, Анзера, и
иных подвижались есте, преподобнии отцы:*

Поликарпе, Ёфреме, Авеле, Симеоне, Нафанаиле, Афанасие, Парфение, Арсение, Макарие, Иакове и Варнаво, Түльския земли прозябение, монахов радование и похвало.

Богородичен:

Ты покров наш от напастей вражних, Владычице, ты свет сердцам нашим. Печальми житейскими омраченным, присно буди, Богородице, и спаси ны, во еже үтреневати нам о судьбах заповедей Владыки Человеколюбца.

КАТАВАСИЯ: Ужасошася всяческая о божественней славе Твоей: Ты бо, неискүсобрачная Дево, имела еси во үтробе над всеми Бога, и родила еси безтленного Сына: всем воспевающим Тя мир подавающая.

Песнь 6:

Ирмос: Молитвү пролию ко Господү, и Тому возвещү печали моя, яко зол дүша моя исполниея; и живот мой адү приближися; и молюся яко Иона: от тли, Боже, возведи мя.

Пресвятая Богородице, спаси нас.

Смерти и тли яко спасл есть, Сам Ся издав смерти, тлением и смертию мое естество ято бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницү Тя живота вем, и

хранительницу твердую, Дево, и напастей решающую молвы, и налоги бесов отгоняющую; и молюся всегда от тли страстей моих избавити мя.

Глагола: Яко стену прибежища стяжашом, и душ всесовершенное спасение, и пространство в скорбех, Отроковице, и просвещением Твоим присно радуемся: о Владычице, и ныне нас от страстей и бед спаси.

И ныне: На одре ныне немощствующей лежу, и несть исцеления плоти моей: но, Бога и Спаса миру и Избавителя недугов рождшая, Тебе молюся Благой: от тли недуг возстави мя.

Вси святини в земли Тудестей просиявши, молитесь Бога о нас.

Истиннии свершители заповедей Христовых явитесь, святини вси в земли Тудестей просиявши, Христу союзом любви прилепитеся, нищету возлюбите паче мирскаго пристрастия, небесней славы со ангелы сподобитесь, идеже Христу воспеваете: слава Тебе.

Вси святини в земли Тудестей просиявши, молитесь Бога о нас.

Шествовал еси тесным путем в житии твоём, преподобие отче наш Макарие, подвигом добрым в пустыни подвижаясь, течение постничества добре скончал еси и мздовоздаяние от Христа приял еси, емуже ныне молися. Да живот наш от тли соблюдет и спасет нас, зовущих: слава, Тебе Человеколюбче.

Вси святини в земли Тудестей просиявши, молитесь Бога о нас.

«Єже жити вам Христос єсть, и смєрть приобрєтєниє», - благовернє княжє Димитриє и мучєницы-воини: На полє Кўликовом бытє со Христом и по смєрти наслєдовали славу Єго.

Вси святини в зємли Тўльстєй просиявши, молитє Бога о нас.

Грады зємнаго Отєчєства оставили єстє, граждане Нєбєсныя жєлая быти, прєсєльники явишася отцы прєподобнии: Пєтрє Венєвский, Варсонофиє Щєгловский, Макариє Єфрємовский, Тимофєє Алексинский, Тихонє и Макариє Бєлєвские чўдотворцы. К горним лєгко пришли єстє, во свєтє правєдных водворяясь, дўхом жє неотстўпно с нами прєбывая, сохраняйтє ўбо нас, вас воспевающих.

Богородичєн:

О прєсвятая госпожє Владычицє, нє забуди нас Твоих раб, верно поклоняющихся чўдотворнєй Твоєй иконє и бдагочєстно воспевающих Тя, избави, госпожє, от всяких бєд и напастєй.

КАТАВАСИЯ: Божєствєнное снє и всєчєстное совершающє празднєство, богомўдри, Богоматєрє, придитє рўками восплєщим, от Нєя рождашагося Бога славим.

Кондак, глас 3. подобєн: Дєва днєсь:

Днєсь Собор Тўльских Святых прєдстонт в Цєркви / и нєвидимо за ны молится Богў: / ангєли со архиєрєн славословят, / мучєники ликовствўют, / прєподобнии и правєднии радўются, / и людє православнии вєсєлятєся: / Вси бо кўпно молят Прєвєчнаго Бога.

Ин кондак, глас тойже:

Днесь Собор Тұльскихъ Святыхъ на небеси предстоитъ Богу, и, якоже святини Борис и Глеб о сродницехъ своихъ, предстательствуютъ о нас. Ангели со архиереи славословятъ, мученики ликовствуютъ. Преподобнии и праведники радуются, людие же православнии веселятся: О нас бо молятъ вси превечнаго Бога.

Икос

Ангельски на земли пожившихъ святыхъ, в земли Тұльстей просиявшихъ, приидите, людие, восхвалимъ, вопиюще к нимъ:

Радуйтеся равноапостольнии: священно-мучениче Кукшо и преподобномучениче Никоне, землю нашу светомъ Евангелiя просветившиє.

Радуйтеся святителиє Христовы: Феоктисте, Пантелеимоне, Луко, Симоне, Кирилле, Максиме, Иоанне, Дионисие, Филиппе, Геронтиє, Пимене, Серапионе и Димитрие - Тұльския земли похвало и украшение.

Радуйтеся благовернии князи: Святославе, Давиде, Владимире, Николо Святоша, Игоре, Феодоре и Евфросиние с сыномъ своимъ Александромъ Невскимъ, Димитрие с Евдокнею, Михаиле с бояриномъ Феодоромъ, Димитрие, Иоанне, Димитрие с Евдокнею - велия слава Отечества нашего и благочестия.

Радуйтеся преподобнии отцы наша: Петре Веневский, Макарие Жабынский, Захария и Нифонте Оптинские, Поликарпе, Ефреме, Авеле

прорицателю, Афанасиє, Арсении, Герапионе, Макариє, Иакове и Варнаво Тұльские, Тимофее и Парфение Алексинские, Германе Аляскинский Нафананле Епифанский, яко бесплотно на земли поживше, Царство Небесное наследовали есте.

Радуйтєся преподобнии матери: Евфросиние княжна Гүздальская, Фомандо Каширская, Магдалино Елецкая, Софиє и Макария Шамординские всечестнии игүмени в подвизе постническом просиявшие.

Радуйтєся: Анисиє, мученице Дедиловская и святии новомученицы Августо, Макариє, Мариє, Анфисо, и Агриппино за веру во Христа страдания претерпевшии и венец победы приявшии.

Радуйтєся праведнии и блаженнии, Христа ради юродивии: Иоанне, Феофилакте иерею, Василиє Твердослове Тұльские, Евфросиние Алексинская, Никифоре Белевский, Евдокие Рязанская и Александро Серпуховская - добре в подвиге подвизавшиєся и Богу үгодившиє.

Радуйтєся святии вси земли Тұльския: именүемые и неименүемые, явленнии и неявленнии үгодницы Божии, верою и подвигами своими Бога прославившиє и милость Его обретшии, вси бо вы молитє о нас Превечнаго Бога.

Пѣснь 7:

*Ирмос: От Иудей дошедше отроцы, в Вавилоне
иногда верою Троицескою пламень
пещный попраша, поюще: отцев Боже,
благословен еси.*

Прѣсвятая Богородице, спаси нас.

*Наше спасение якоже восхотел еси, Спасе,
устроить, во утробу Девыя вселился еси, Юже миру
предстательницу показал еси: отец наших Боже,
благословен еси.*

Прѣсвятая Богородице, спаси нас.

*Воителя милости, Егоже родила еси, Мати
чистая, умоли, избавитися от прегрешений и
душевных скверн, верою зовущим: отец наших Боже,
благословен еси.*

*Глава: Бокровище спасения и Источник
нетления, Тя рождшую, и столп утверждения, и
дверь покаяния, зовущим показал еси: отец наших
Боже, благословен еси.*

*И ныне: Телесныя слабости и душевныя недуги,
Богородительнице, любовию приступающих ко крову
Твоему, Дево, исцелити сподоби. Спаса Христа нам
рождашая.*

*Вси святини в земли Тѹльстей проснявши,
молите Бога о нас.*

*Плотское мудрование Дѹху, богоноснии, воистину
повинуесте, / постнически сего стремления
неудержима постом увядивше: / И ныне
бесстрастия светом просветившеся, святини вси*

*земли нашея, / награду трудов прияте, на небеси
воспевая Богу: / благословен еси во веки.*

*Вси святини в земли Түльстей просиявшии,
молите Бога о нас.*

*Ангелов собеседниче, преподобне отче наш
Макарие, был еси, / благочестно бо на земли пожив,
многи приходящии к тебе страху Господню научил
еси, / зрел еси будущая яко настоящая, / и умиления
и радости много скорбящих души исполнил еси, /
научая пети: отцев Боже, благословен еси во веки.*

*Вси святини в земли Түльстей просиявшии,
молите Бога о нас.*

*Трудами и ратными подвигами на земли
подвизались есте, / святини мученицы-воины, за
веру христианскую и Русь Святую души своя
положившии, / ныне же на небеси радуетесь,
примля награду мученик Христовых, воспевая: /
отцев Боже, благословен еси.*

*Вси святини в земли Түльстей просиявшии,
молите Бога о нас.*

*Радости небесныя причастницы быте еще на
земли, преподобнии матери: Марфо, Пансие,
Ксение, Фомаидо, Магдалино, Павлина, Софии, и
Макария, на небеси сопричастницы славы
Христовой явились есте, воспевая: Боже, благословен
еси.*

Богородичен:

*Идеже осенит благодать Твоя, Богородице, стра-
хом исчезают демоны и разрушается злокозненное*

тѣх мечтание, бѣгают дѣси темнии, радуется же верных множество, Тебѣ песнь хвальну от сердца вопиюще: Божественный покрове дѣш наших.

***КАТАВАСИЯ:** Не послужиша твари Богомудрии паче создавшего, но огненное прещение мужески поправшее, радовахүся поющее: препетый отцев Господь и Бог, благословен еси.*

Песнь 8:

Ирмос: Царя Небеснаго, Ёгоже поют вон Ангельстии, хвалите и превозносите во вся веки.

Пресвятая Богородице, спаси нас.

Помощи, яже от Тебѣ, требующия, не презри, Дево, поющия и превозносящия Тя во веки.

Пресвятая Богородице, спаси нас.

Неможеніе дѣши моя исцеляеши, и телесныя болѣзни, Дево, да Тя прославлю. Чистая, во веки.

Глава: Изцелений богатство изливаеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дево: темже Тя поем во вся веки.

Вси святини в земли Тѣльстей просиявши, молитѣ Бога о нас.

Апостолов ѹдобрение, мѹчеников собрание, постников похвало, всех святых в земли Тѣльстей просиявших память дѹховне празднүюще, хвалим,

Благословим и превозносим Господа во вся веки.

Вси святини в земли Тұльстей просиявшии, молитє Бога о нас.

О всеславнии новомученицы наши: Илларионе, Никито, Онисиме, Игнатие и Петре, столпи неборимии Христовой Церкви, в годину гонений всякие мучения за Христа добре претерпесте и в белую ризу спасения облекостесь, превозносяще Господа во веки.

Вси святини в земли Тұльстей просиявшии, молитє Бога о нас.

Яко агницы непорочныя, и яко жертвы приятныє, Христу, истинному Пастырю, принесостесь, страсотерпицы Спасовы: Августо, Макарие, Анфисо, Марие и Агриппино, и в чертозе небеснем веселою душею водвористесь, и деже со ангелы на небеси славите и превозносите Бога во веки.

Вси святини в земли Тұльстей просиявшии, молитє Бога о нас.

Ангельское житие на земли скончали есте блаженнии, Христа ради юродивые: Иоанне, Феофилакте, Василие, Никифоре, - на небеси со ангелы предстонтє и превозносите Царя Славы во веки.

Богородичен:

Предстательница сущи неотступна к Вышнему Царю, яко имущє Матернее дерзновение непостыдно, в мире гл҃боце православных житие утверди и Отечество наше возвыси и вся полезная

даруя всегда рабом Твоим, превозносящим Господа во веки.

Благословим Отца, и Сына, и Святаго Духа Господа ныне и присно и во веки веков. Аминь
Хвалим, благословим...

КАТАВАСІЯ: Отроки благочестивыя в пещи, рождество Богородицы спасло есть: тогда убо образуемое, ныне же действуемое, вселенную всю воздвизает пети Тебе: Господа пойте дела и превозносите Его вся веки.

Песнь 9

Ирмос: Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Пресвятая Богородице, спаси нас.

Тока слез моих не отвратися, Яже от всякаго лица всяку слезу отъемшаго, Дево, Христа рождашая.

Пресвятая Богородице, спаси нас.

Радости мое сердце исполни, Дево, Яже радости приемшая исполнение, греховную печаль потребляющи.

Пресвятая Богородице, спаси нас.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Слава: Света Твоего зарями просвети, Дево, мрак неведения отгоняющи, благоверно Богородицу

Тя исповедающих.

И ныне: На месте озлобления немощи смирившагося, Дево, изцели, из нездравия во здравие претворяющи.

Вси святини в земли Тұльстей просиявшии, молитѣ Бога о нас.

Иисуса Христа возлюбивше и нго Ёго сладостне понесше, святини вси в земли Тұльстей просиявшии, подвигом добрым подвизалися есте на земли, ныне же вечныя славы наслаждаетесь на небеси, тем вас вси величаем.

Вси святини в земли Тұльстей просиявшии, молитѣ Бога о нас.

Макарие преславне, возсия нам богоугодное житие твое, всем бо явился еси правило веры и образ кротости, подвигов иноческих и воздержания зеркало, любви же и смирения богатство, Престолу Владычню предстоя, молися и о нас, да с тобою Господа славим и Богородицу величаем.

Вси святини в земли Тұльстей просиявшии, молитѣ Бога о нас.

Мучениц блаженных: схимонахини Августы, монахинь Макарии и Анфисы, послушницы Марии и Агриппины подвигу удивившася небесныя силы, како врага победиша в женском естестве, сего ради яко победоносицы непобедимии прославишася, ныне предстоя Престолу Владычню, молитесь о нас, да с вами Господа славим и Богородицу величаем.

*Вси святини в землі Тұльстей просиявши,
молите Бога о нас.*

*Нищии дұхом - обогатившєся, блаженнии
Христа ради юродивые и преподобнии матерн:
Євфросинне, Агафне, Єкатерино, Надеждо и
Александро и Матроно, тєсным пұтем шєствовавши
ко Христу Жениху своему, течєние благое соверши-
ли есте и превеликое воздаяние обрєтши у Бога, на
небєси славите Єго и Богородицу - Матєрь Свєта
величаєтє.*

Богородичєн:

*Ангєлов множества и всех чєловєк роди
прєрадостно ублажают Єя, Всєпетая Дєво, всех бо
Спаса и Зиждитєля и Владыкy и Бога родила єси,
Єгоже о нас моли, Прєчистая.*

Свєтилєн:

*Тұльскія землі святыя пєсньми почтим и
молитвенники за ны Тєбє, Господи, приводим в
молитву. Их же ради спаси дұши наша, яко
Милосєрд.*

Глава преподобному:

*Свєтозарна свєтильника веры во странє нашєй
возсиявша и солнца свєтлєйши чұдєсы нас
просвєщша, Макария преподобнаго, блаженству
тєзоимєнитого, пєсньми восхвалим.*

И ныне, Богородичєн:

*Приидитє, вернии, с чистотою возвеличим
Прєчистыя Матєрє Бога нашего чұдную икону и
Божєственнаго Младєнца Спаса Христа. Єгоже, яко*

рождашая, на руку носивши и матернее дерзновение к нему имущи, непрестанно молит за нас и подают рабом Своим богатые милости.

На хвалитех стихиры, глас 8-й:
Подобен: О, Преславного чудесе:

Вси помолимся Христу. / Творяще память днесь Макария преподобного / и с ним вкупе воспоим Собор Түльских Святых. О коль велика твоя милость к нам, / в Троице славимый Боже: / прими, Господи, молитвы их / и подаждь нам велию милость.

О преславного чудесе! Светоносный и радостный праздник Собора Түльских Святых ныне нам возсия. Приидите, вернии, в память их веселящиеся возопиим: святини вси, сродницы наши, молитесь за ны ко Господу, да спасет души наша, яко Милосерд.

Преподобне отче наш Макарие, странника и пришельца себе на земли помышляя, душевныя твоя очеса ко Иерусалиму Небесному возводил еси, слезами постель свою омывая. Ныне же небеснаго радования в Соборе Святых наслаждаясь и Богови выну предстоя, моли спасти и просветити души наша.

О преславного чудесе! Святый великий князь Димитрии с могучею ратью мучеников-воинов прославляется Господем. Церковь Христова торжествует и вси единодушно вопиют: о святини покровителне Түльския земли, сохраните страну нашу и всех нас от всякия нужды и печали.

Глава, глас 2-й:

*Красуйся и веселися Тульская земля, / яко в
недрах твоих на Куликовом поле / сокровище
Божественных даров неоскудное явился святыя
мученики-воины, / за веру христианскую и Русь
Святую души своя положившие, / от нихже
истекают исцеления и подается благодать всем, / с
верою приходящим и чтущим память их.*

И ныне, Богородичен, глас тойже:

*Непроходимая врата, тайно запечатст-
вованная, Благословенная Богородице Дево, прими
моления наша и принеси Твоему Сыну и Богу, да
спасет Тобою души наша.*

*Главлословіе великое, тропарь святым, ектенни, и
отпуст.*

НА ЛИТУРГИИ

*Блаженны от канона песнь 8-я и 6-я
По входе: Тропарь - Соборꙋ святым,
 преподобномꙋ, Кондаки - Преподобномꙋ,
 слава Соборꙋ святых
И ныне: Взбранной Воеводе победительная...
Прокимен: Честна пред Господем смерть
 преподобных Его.
Апостол: Галатам 218, Евангелие от Луки, зачало
 24
Причастен: В память вечную:*

Молитва первая

Говору Тұльских Святых

Боже Святый, иже на святых почиваяй, и трисвятым гласом на небеси от Ангел воспеваемый и на земли от человек во святых Своих прославляемый!

Давый Божественным Твоим Духом комуждо от человек просвещающую и животворящую благодать, еюже мнози явишася святини в коемждо роде различными добродетельми благоудившии Тебе. Образ нам добрых подвигов своих оставиша, сами искушени быша и нам, напаствующим, помогати готови суть. Сих же богоудное житие похваляюще, Тебе Самого в них действовавшего восхваляем и прилежно молим: Святые святых! Дажь нам, грешным, последовати учению, житию, любви, вере и смирению их.

Ты бо рекл еси, Владыко устами Иакова апостола и сродника Твоего по плоти: «много бо может молитва праведного поспешествуета» (Иак. 5,16) - то кольми паче много может молитва собора святых сродник наших на умоление Тебе о спасении нашем.

О, преславный и пречестный Говоре всех святых в земли Тұльстей проснявших! Предстателие, молитвенницы и теплые ходатаи наши! Помяните нас, странствующих зде, и дарованною вам от Бога благодатию управите нас к Небесному Отечеству,

укрепите немощь нашу, оградите от искушений и соблазнов века сего, возродите в нас святую любовь и ревность о Господе нашем.

О, блаженнии угодницы Божии: священномучениче Кукшо и преподобномучениче Никоне, яко равноапостольнии, первые просветителие светом Евангелия Христова земли нашея, преподобне отче наш Макарие, монашеского жития zde начало, святой благоверный княже Димитрие и мученицы-воины на поле Куликовом за веру Православную и Русь Святую души своя положивши, святини многострадальнии новомученицы - Иларионе, Никито, Онисиме, Игнатие и Петре, Августо, Макарие и Анфисо, Марие и Агриппино, блаженнии - Иоанне, Евфросиние, Матроно со всеми прочими святыми в земле нашей просиявшими помозите нам жити праведно и целомудренно в нынешнем веке, присно же памятовати о часе смертном и страшном втором пришествии Господа и Спаса нашего Иисуса Христа, да благодатию и человеколюбием Его соблюдаеми и мы сподобимся в Небесном Царствии купно с вами поклоняться Престолу Божию и благодарно и всерадостно славити Отца, и Сына, и Святаго Духа, Единого в Троице славимаго Бога, и ваше милостивое о нас ходатайство всегда, ныне и присно, и во веки веков. Аминь.

Молитва вторая:

О, преславный и пречестный Соборе всех святых в земли Тұльстей просиявших! Предстателие, молитвенницы и теплые ходатаи наши! Помяните нас, странствующих зде, и дарованною вам от Бога благодатию управите нас к Небесному Отечеству, укрепите немощь нашу, оградите от искушений и соблазнов века сего, возродите в нас святую любовь и ревность о Господе нашем.

О, блаженнии угодницы Божии: священномучениче Күкшо и преподобномучениче Никоне, яко равноапостольнии, первые просветителие светом Евангелия Христова земли нашея, преподобне отче наш Макарие, монашеского жития зде начало, святой благоверный княже Димитрие и мученицы-воины на поле Күликовом за веру Православную и Русь Святую души своя положивши, святини многострадальнии новомученицы - Иларионе, Никито, Онисиме, Игнатие и Петре, Августо, Макарие и Анфисо, Марие и Агриппино, блаженнии - Иоанне, Евфросиние, Матроно со всеми прочими святыми в земле нашей просиявшими помозите нам жити праведно и целомудренно в нынешнем веце, присно же памятовати о часе смертном и втором пришествии Господа нашего Иисуса Христа, да благодатию и человеколюбием Его соблюдаем и мы сподобимся в Небесном Царствии купно с вами благодарно и всерадостно славить Единого Истинного Бога, во Святей Троице славимаго, Отца, и Сына, и Святаго Духа, во веки веков. Аминь.